

## **Clypevs Theologiæ Thomisticæ**

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

Art. II. An possit darî omissio culpabilis in individuo, absque omni actu physico voluntatis, qui sit causa vel occasio illius?

---

[urn:nbn:de:hbz:466:1-77355](#)

Respondeo distinguendo Majorem: Quo posito ponitur, & quo ablato auferatur, per locum intrinsecum, & tanquam per rationem à priori, concedo Majorem. Per locum extrinsecum, & à posteriori tantum, nego Majorem. Similiter distinguo Minorem: Positò privatione rectitudinis, peccatum ponitur, & cù ablatà auferatur, à priori & per locum intrinsecum, nego: à posteriori & per locum extrinsecum, concedo. Solutio patet ex supra dictis: ex eo enim quod actus peccaminosus dicat tendentiam ad objectum regulis morum dissonum, per quam formaliter in ratione peccati & mali moralis constituitur, sequitur quod careat rectitudine sibi debitâ, scilicet tendentia ad objectum regulis morum consonum; & ita privatio hujus posterioris tendentiae est quasi proprietatis consequens ad illam priorem, & ab illa inseparabilis: unde cùm possit proprietate ab essentia inseparabili, argutive & à posteriori, seu per locum extrinsecum, ponatur ipsa essentia, & cù ablatà tollatur, possit privatione rectitudinis, ponitur peccatum, & cù ablatà, auferatur; non à priori, & per locum intrinsecum, sed à posteriori, & per locum extrinsecum: eo proportionali modo quo possit obscuritate assensus, ponitur actus fidei; & cù ablatà, auferatur; non quod per ipsam obscuritatem constituitur, sed quia illud quod constituit actum fidei, formaliter in quantum humusmodi, connotat obscuritatem, sive habet constituere actum fidei, prout obscuritatem connotat.

## ARTICULUS II.

An posse dari omissione culpabilis in individuo, absque omni actu physico voluntatis, qui sit causa vel occasio illius?

S. I.

Quibusdam premissis conclusio negativa statuitur, & auctoritate D. Thome fulcitur.

77. C<sub>E</sub>R<sub>T</sub>V<sub>M</sub> est primò, non posse dari omissionem culpabilem, absque actu aliquo positivo intellectus: quia omissione non potest esse culpabilis, nisi sit voluntaria, nec voluntaria, si ne cognitione: cùm voluntarium definitur id quod est à principio intrinseco, cum cognitione. Illa tamen cognitione non semper est causa omitendi, sed multoties ab omissione revocat, & quantum est de se ad operationem omissionis positam inclinat; ut quando intellectus voluntarii dicit conveniens esse hic & nunc sacram audire; actus enim iste, quantum est de se, ad precepti observantiam inducit, & consequenter omittendi causa non est.

78. Deinde exploratum est apud omnes, ad omissionem culpabilem non requiri actum directè ad illam terminatum; v. g. ut quis culpabiliter missam non audiat eo tempore quo instat preceptum, non est necessarium, ut per actum expressum velit missam non audire, sed sufficit ut velit aliquid cum auditione facri incompossibile, v. g. studium, ludum, aut venationem; tunc enim omissione missae indirectè & in sua causa censetur voluntaria, quod sufficit ut sit culpabilis & peccaminosa.

79. Tertio omnes fatentur, regulariter loquen-

A do, non dari omissionem culpabilem absque actu aliquo voluntatis, directè vel indirectè ad illam terminatum: experientia enim docet, quid quando aliquis omittit actum qui est in pracepto, hoc facit vel quia fugit labore illius actus, & illum vult non agere, aut quia vult aliquid cum eo incompossibile.

80.

Denique ut à punctum difficultatis veniamus, jam ferè omnes concedunt, actum positivum voluntatis non esse de essentia & ratione formaliter & specifica omissionis culpabilis: nam peccatum omissionis in hoc à peccato commissionis distinguitur, quod commissio actum positivum essentialiter includit, & in illo consistit secus autem omissione, quæ essentialiter consistit in carentia actus praecetti, seu in privatione illius, ut docet S. Thomas 2. 2. quæst. 79. artic. 3. Nihilominus quia plura requiruntur ad existentiam & singularitatem rei, quā ad ejus quiditatem & essentiam (ut patet in homine qui habet ex sua essentia & ratione specifica solum exigit animalitatem & rationalitatem, ut tamen à parte rei existat, quantitatem, figuram, ubi, & plura alia accidentia requirit) querimus utrum ad omissionem culpabilem in individuo considerat, & prout hic & nunc exercetur, necessariò, necessitate non solum moralis, sed etiam physica, requiratur aliquis actus voluntatis, directè vel indirectè ad illam terminatum, qui sit causa vel occasio illius; vel an in aliquo casu possit dari omissione culpabilis, absque omni actu? Pro resolutione

Dico, non posse dari omissionem culpabilem sine actu precedente, aut concomitante, qui sit causa vel occasio omittendi. Ita communiter docent nostri Thomistæ, paucis exceptis, contra Durandum, Suarezem, Valentiam, & alios Recentiores.

Probatur primò ex D. Thoma hic qu. 71. art. 3. ubi relatis duabus opinionibus, que circa presentem difficultatem suo tempore circumferebantur; alià negante posse dari peccatum omissionis sine actu; alià id asserente, fert de utraque hoc judicium: *Vra que opinio secundum aliquid veritatem habet. Si enim intelligatur in peccato omissionis illud solum quod per se pertinet ad rationem peccati, sic quandoque omissionis peccatum est cum actu interiori, ut cum aliquis vult non ire ad Ecclesiam: quandoque vero absque omni actu.... Si vero in peccato omissionis intelligantur etiam cause vel occasiones omittendi, sic necesse est in peccato omissionis aliquem actum esse. &c.* Quibus verbis S. Doctor eligit & approbat opinionem requirentem actu ad peccatum omissionis, si hac exigentia intelligatur solum per modum causæ vel occasionis omittendi, quamvis rejiciat illam, si intelligatur de exigentia actu qui sit per se, & tanquam de essentia. Econtra vero extremam opinionem, negantem necessitatem prædicti actus, solum approbat quoad actu qui sit per se, & tanquam de essentia; quoad actu vero qui se habeat per modum causæ vel occasionis omittendi, eam rejicit & impugnat. Eodem modo distinguit inter prædictas opiniones qu. 2. de malo art. 1. dicens: *Potest esse aliquid peccatum, ad quod non requiritur aliquis actus, qui sit de essentia peccati: & in hoc veritatem non habet secunda opinio. Si autem confidereur id quod requiritur ad peccatum, ut causa peccati, sic oportet quod ad quodlibet peccatum, etiam*

*omissionis, aliquis actus requiratur. Et inferius A Ad hoc ergo quid omisso sit peccatum, requiriatur quid causetur ex aliquo actu voluntario &c.* Et tandem concludit: *Sic ergo quantum ad hoc prima opinio vera est, quid ad omissionem requiritur actus voluntarius ut causa. Quae testimonia adeo clara & perspicua sunt, ut nullam interpretationem nisi extortam & violentam admittere possint. Nam quod aliqui dicunt, D. Thomam loqui de eo quod regulariter & secundum communem legem contingit, non verò de eo quod fieri posset, metaphysicè loquendo, & de potentia absoluta, facile confutari potest; Tum quia S. Doctor locis citatis questionem hanc non morali modo, aut attentis duntaxat iis qua regulariter contingunt, sed valde metaphysicè, petitisque rationibus ex ipsis essentiis & naturis rerum, discutit & resolvit: Tum etiam quia non solum intendit recedere à prima opinione, ex ea parte quā requirit actum, tanquam de essentia peccati, sed etiam à secunda, ex ea parte quā negat requiri semper actum per modum cause: At hæc sententia non poterat negare, regulariter & de lege ordinaria talem actum requiri; cùm hoc contra evidentem experientiam pugnet, ut supra ostendimus; sed solum de lege extraordinaria & in aliquo casu metaphysico: Ergo cùm S. Doctor quoad hoc prædictam opinionem deserat, manifestum est, ipsum velle ad omissionem culpabilem necessarium esse aliquem actum voluntatis, qui sit causa vel occasio illius, non solum necessitate morali, sed etiam physica, aut metaphysica.*

*Confirmatur: D. Thomas supra qu. 6. art. 3. ad 3. ait: Eo modo non requiriur ad voluntarium actus cognitionis, sicut & actus voluntatis: Sed ad omissionem voluntariam & culpabilem necessarius est actus intellectus, non solum necessitate morali, sed etiam physica aut metaphysica, cùm repugnet sine cognitione aliquid esse voluntarium, ut patet ex definitione voluntarij: Ergo & actus voluntatis.*

## S. II.

*Eadem veritas ratione suadetur.*

*NON solum evidentissimis D. Thomæ testimoniis, sed etiam efficacissimis rationibus conclusio nostra fulcitur. Prima, quam latè subsequuntur Salmanticenses tract. de voluntario disp. 4. dub. 1. & tract. de peccatis disp. 5. dub. 2. potest sic breviter proponi. Ut omissione aliqua sit culpabilis, debet esse voluntaria: At secluso quocumque actu voluntatis, eam antecedente aut concomitante, non potest esse voluntaria: Ergo nec culpabilis & peccaminosa. Major patet, Minor probatur. Omne voluntarium debet ex inclinatione voluntatis procedere; unde ea que sunt ex violentia & metu, voluntaria non sunt, quia non procedunt ex inclinatione voluntatis, sed ex aliquo principio extrinseco: At omissione secundum se non potest ex inclinatione voluntatis procedere, sed tantum ratione alterius, quod per actum eam concomitantem vel antecedentem appetitur: Ergo secluso quocumque actu voluntatis, eam antecedente vel concomitante, non potest esse voluntaria. Major est evidens, Minor verò hac ratione suadetur. Nihil potest ex inclinatione voluntatis procedere sine motione & influxu sui objecti specificativi; cùm nulla potentia extra limites sui objecti specificativi egredi valcat: Atqui omis-*

*sio, cùm non apprehendatur ut bona & appetibilis ratione sui, non potest secundum se mouere & alicere appetitum, sed solum ratione alicuius boni, in ordine ad quod ut utilis apprehenditur: Ergo secundum se non potest ex inclinatione voluntatis procedere, sed solum ratione actus eam concomitantis, vel antecedentis, quo aliquod bonum appetitur.*

*Respondent Adversarij, quid ut omissione aliqua sit culpabilis, sufficit quid sit voluntaria moraliter & interpretativè, ad quod non requiritur positivus aliquis voluntatis influxus, mediæ motione objecti specificativi, sed sufficit quid homo possit & teneatur aliquid facere, & tamen non faciat.*

*Sed contra primò: Cùm peccatum essentialiter sit voluntarium, eo modo quo aliquid habet rationem culpæ, debet habere rationem voluntarij: At omissione culpabilis, de qua agimus, non tantum secundum prudentis aestimationem, vel interpretationem, sed verè & re ipsa, independenter ab hujus vel illius existimatione, habet esse peccaminosa, & continet veram & realem malitiam, quamvis privativam, per quam in ratione peccati constituitur: Ergo re ipsa, & independenter ab hominum existimatione & interpretatione, subindeque physicè & realiter, & non solum moraliter & interpretativè, debet esse voluntaria.*

*Secundò, Id à quo omissione denominatur voluntaria, debet esse aliquid à parte rei in ipso omitte: Atqui volitus interpretativa nihil est in omittente à parte rei, sed in solo intellectu interpretantis: Ergo ab ea omissione culpabilis non denominatur voluntaria, sed ab actu physico & reali eam antecedente vel concomitante.*

*Dices, omissionem non denominari voluntariam ab ipsa formalí interpretatione, quæ est in alieno intellectu, sed à fundamento ad ita interpretandum, quod est in voluntate, quoties adest potentia & debitum operandi, cum negatione operationis.*

*D. Sed contra: Ex his tribus quæ referuntur, scilicet potentia, debito, & carentia operationis, tertium, cùm sit ipsa omissione, non potest habere rationem fundamenti ex quo illa denominatur voluntaria, ut de se manifestum est; duo verò priora non sufficiunt ad rationem fundamenti proximi; quia fundamentum debet esse tale, quid non separatur ab omissione, sed infallibiliter eam inferat; potentia autem & debitus separantur ab illa; & tam in eo qui omittit, quā in eo qui non omittit reperiuntur: Ergo præter illa tria, debet dari actus qui sit causa omittendi, ad hoc ut omissione denominetur voluntaria.*

*Secunda ratio sic procedit: Omissione est veluti fuga & recessus ab objecto omisso: Sed omnis fuga, cùm versetur circa malum, necessariò supponit affectum erga bonum; quia appetitus nunquam refutat aliquid ut malum, nisi in quantum amat bonum oppositum, ut docet S. Thomas supra qu. 25. art. 2. ex hoc inferens passiones quæ sunt circa bonum, præcedere illas quæ versantur circa malum, & omne odium causari ex amore, esseque illo posterius: Ergo omnis omissione supponit aliquem actum seu affectum erga bonum, in cuius virtute & non aliter à voluntate exerceatur.*

*Tertia ratio: Voluntas in actu primo manens, peccare*

peccare non potest: Sed sine actu physico positivo manet in statu actus primi: Ergo sine actu physico positivo peccare non potest; & consequenter sine illo non potest dari omissionis culpabilis. Major est certa: voluntas enim in statu actus primi libertatem non exercet; quod ut peccet necessariò requiritur. Minor autem, in qua est difficultas, facile suadetur. Nam omne aliud, præter actum physicum, potest voluntati in statu actus primi manenti convenire: Ergo sine actu physico manet in statu actus primi. Consequentia patet, Antecedens probatur. Præter actum physicum, solum potest in voluntate considerari præceptum cum advertentia ad illud, & carentia operationis: Sed voluntati in statu actus primi convenit advertentia ad præceptum, convenit etiam operationis carentia; quandiu enim est solum in actu primo, non operatur: Ergo omne aliud, præter actum physicum positivum, convenit voluntati in statu indifferentiae & actus primi.

**91.** Respondent Adversarij, voluntatem sine omni actu tam physico, quam interpretativo, in statu indifferentiae, suspensionis, & actus primi manere, & consequenter non posse peccare: Sed si detur in illa actu interpretativus, reduci de actu primo ad secundum; subindeque posse peccare, quamvis omnis actus physicus secludatur ab illa.

**92.** Sed hæc solutio confutata manet ex supra dictis: id enim per quod voluntas seipsum determinat, & transfert à statu indifferentiae, suspensionis, & actus primi, debet esse à parte rei in ipsa; unde cum actus interpretativus non sit aliquid à parte rei in voluntate omittentis existens, sed in solo intellectu interpretantis residet, non potest voluntatem omittentis determinare, nec eam de statu indifferentiae, suspensionis, & actus primi transferre. Neque vallet si recursus ad fundamentum hujus actus, nempe ad potentiam cum obligatione operandi, hæc enim, cum convenienter voluntati in actu primo, eam à statu suspensionis & indifferentiae, ad statum actualitatis & exercitij transferre nequeunt.

**93.** Quarta ratio præcedenti affinis est, & potest sic proponi. Non potest dari peccatum sine exercitio libertatis: Sed libertas per puram omissionem actus exerceri nequit: Ergo pura omissione, secluso quocumque actu voluntatis, eam antecedente vel concomitante, nequit esse peccatum. Major patet, Minor probatur. Exercitum voluntatis, ut est libera, petit esse vitale: Sed pura negatio vitalis esse non potest: Ergo libertas per puram negationem aut omissionem actus exerceri nequit. Minor videatur certa: nam vivere in actu secundo est se movere ab intrinseco: Sed voluntas non se moveat per negationem actionis & motus: Ergo negotio actus non est vita, sed negatio vita. Major autem suadetur. Voluntas ut libera, est potentia vitalis: Ergo exercitum illius, ut libera, est exercitium vita, & consequenter vitale. Consequentia patet: nam actus secundus sapere debet naturam & perfectionem actus primi, & exercitium potentiae, ejus naturæ comensurari. Unde sicut repugnat exercitium potentiae libera, ut libera, non esse formaliter liberum, ita implicat exercitium potentiae vitalis non esse vitale.

**94.** Confirmatur: Voluntas dum peccat, & in Tom. III:

A actu secundo suam libertatem exercet, non est mortua in actu secundo; quis enim dicat voluntatem in actu secundo mortuam, peccare in actu secundo, suamque libertatem in actu secundo exercere? Ergo dum peccat, & suam libertatem in actu secundo exercet, vivit in actu secundo, subindeque aliquem actum elicit. Consequentia patet: nam sicut inter esse mortuum per carentiam vita per modum actus primi, & vivere in actu primo, non datur medium; ita nec inter vivere in actu secundo, & esse mortuum in actu secundo.

Confirmatur amplius: Libertas in actu secundo est modus vitæ actualis, seu species illius: Atqui non datur duplex vita in actu secundo, una in negatione mortuus, altera in motu consistens: Ergo nec duplex libertas actualis, quarum una consistat in actu positivo, altera in negatione actus, seu omissione illius; sed omne exercitium libertatis in actu secundo aliquem actum voluntatis includit, aut supponit: Unde cùm peccatum omissionis sit aliquod exercitium libertatis, sine aliquo actu positivo, omissionem antecedente aut concomitante nequit existere.

Ultima ratio sumitur ex inconvenienti quod sequitur ex adversa sententia. Nam si daretur peccatum omissionis absque omni actu antecedente, vel concomitante, illud pœnâ tantum damni, non verò sensus; puniatur in inferno: Sed hoc absurdum est, cùm nullum detur peccatum actualis, cui aliqua pœna sensus non debatur, & solum originale pœnâ tantum damni puniatur: Ergo &c. Sequela Majoris probatur ex D. Thoma 2. 2. qu. 79. art. 4. ad 4. ubi docet peccato omissionis pœnam sensus deberi, propter radicem ex qua procedit, licet non habeat ex necessitate actualem conversionem ad aliquod bonum committibili: Ergo si absque tali radice, que est actus physicus positivus, contingenter, pœnâ sensus non puniretur in inferno.

95.

96.

## S. III.

## Principia objectiones solvuntur.

**O**RTHICIES primò: D. Thomas hic qu. 71. 97. Art. 5. sic concludit: *Verius dici potest quod aliquod peccatum possit esse absque omni actu: quod docet propter peccatum omissionis: Ergo ex mente D. Thomæ potest dari omissione culpabilis absque omni actu physico voluntatis.*

Communi hujus argumenti solutio est, D. Thomam eo loco, & aliis similibus, solum velle dari posse in individuo omissionem culpabilem, absque actu positivo, qui sit de illius essentia, vel qui directè & per se ad illam tendat, non tamen absque actu, qui sit causa vel occasio illius.

Sed contra hanc solutionem dupliciter instauri potest. Primum ex eodem articulo: Nam cum S. Doctor ibi retulisset duas sententias inter se oppositas, quarum una docebat non posse dari peccatum omissionis absque omni actu interiori, vel exteriori, altera ex adverso affirmabat ad omissionem culpabilem nullum actum sive interiori, sive exteriori requiri, dicit se medià viā incedere, ac proinde negare aliquid quod prima opinio asserebat: Sed talis opinio non postulabat actum tanquam de essentia omissionis; nullus enim opinari potuit omissionem;

98.

Ccc

qua est pura carentia & non ens, per actum positivum constitui, aut illum in sua essentia & ratione formaliter includere: neque etiam petebat actum, qui directe & per se ad omissionem tendat; cum experientia unicuique constet, multo tis se actum aliquem omittere, absque eo quod id formaliter & directe velit. Solum ergo poterat exigere talem actum ut occasionem & causam per accidens: unde vel sanctus Thomas in nullo ab ea opinione discederet, vel debet etiam hujusmodi actum denegare.

99. Deinde eadem solutio seu interpretatio confutari potest ex his qua habet idem S. Doctor in 2. dist. 35. qu. 1. art. 3. ubi haec scribit: *Quidam dicunt quod in peccato omissionis semper oportet aliquem actum esse, per quem aliquis retardatur ab expletione mandati vel precepti; sive interiori voluntatis, ut cum aliquis vult precepto non obediens; sive exteriori, ut cum aliquis facit aliquem actum per quem ab expletione precepti impeditur; & ponitur exemplum de illo qui nimis vigilat, & non potest surgere horum debiti. Sed ista opinio non videtur necessitatem habere: cum enim voluntas sit libera, neque ad aliquid faciendum vel non faciendum determinetur, potest hoc modo pratermittere aliquid &c. de omissione in exercitio procedunt: Ergo haec interpretatio verbis D. Thomae non convenit.* Unde vera solutio est quam tradunt Salmantenses in tract. de voluntario disp. 4. dub. 1. §. 4. nempe D. Thomam in questionibus disputatis, & in summa Theologica, reformasse id quod in libris Sententiariis, & ad Annibaldum docuerat. Et ratio quam adducunt, videtur perspicua. Nam S. Doctor loco citato super Sententias refert duas illas opiniones extremas, quae tempore ejus circumferbantur, quartum una ad peccatum omissionis indispensabiliter actum exigebat, altera negabat eum aliquo modo requiri; & ibi absolute & sine distinctione rejicit primam sententiam, & secundam adharet. In questionibus vero disputatis, & in summa Theologica, refert quidem praedictas opiniones, sed neutram ex toto rejicit, vel admittit, & veluti mediā viā incedit: nam cum prima concedit requiri actum ut causam, quod negabat secunda; cum hac vero negat illum actum esse de ejus essentia, sive aliquid complens illum essentialiter in esse voluntaria & peccaminosa; quod aliqui ex assertoribus primis existimabant: manifeste ergo reformavit in posterioribus scriptis praedictam secundam sententiam, tui in prioribus magis adhæserat.

100. Objicis secundò: Si ad omissionem culpabilis necessarius esset actus eam concomitans, aut præcedens, maximè ut talis omissione esset voluntaria: Sed absque omni actu, eam concomitante aut præcedente, potest esse voluntaria: Ergo & culpabilis ac peccaminosa. Major patet ex supra dictis, Minor probatur. Ut aliqua omissione sit voluntaria, sufficit quod aliquis possit, teneatur, & non faciat, ut communiter docent Theologi cum D. Thoma supra qu. 6. art. 3. Ergo omissione absque omni actu eam concomitante vel antecedente, potest esse voluntaria. Unde idem S. Doctor huc qu. 71. art. 5. cum sibi objecisset in secundo argumento, quod peccatum omissionis debet esse voluntarium, & quod hoc non potest habere sine actu, responderet: *Ad secundum dicendum quod aliquid dicitur voluntarium, non solum quia cadit super ipsum actus voluntatis, sed quia in voluntate nostra est, ut fiat, vel non fiat.*

101. Respondere concessa Majori, negando Minorem. Ad cuius probationem dicendum, quod quando Theologi docent, quod ut aliqua omissione sit voluntaria, sufficit posse, teneri, & non facere; vel est sermo de requisitis solum ex parte actus primi, non excludendo ipsum actualiter exercitium, neque actum à quo debet incipere; vel ly non facere, non sumitur pro carentia actus debiti nude sumpta, sed ut associata

omnibus quæ necessaria sunt, ut terminet voluntatis exercitum, ac proinde aliquo actu, qui sit ratio talis exercitij. Vel, ut alij loquuntur, *ly, non facere*, non sumitur pure negativè, & prout omnem suspensionem & negationem actus importat, sed privativè & moraliter, secundum quod talis negatio causatur à voluntate: unde cùm voluntas non possit illam causare, nisi aliquem actum eam antecedentem aut concordanter habeat, ut supra oftensum est, per ly *non facere*, non excluditur, sed subintelligitur actus voluntatis, omissionem concomitantem, vel antecedens. Similiter quando S. Thomas ait *aliquid dici voluntarium, non solum quia cadit supra ipsum actus voluntatis, sed quia in potestate nostra est ut fiat, vel non fiat*, vel solum intendit aliquid posse esse voluntarium in actu primo sine aliquo actu voluntatis, in quantum in potestate hominis est velle vel nolle: vel posse dici voluntarium in actu secundo, sine actu directo, & immediate ad omissionem terminato.

**104.** Objicies tertio: Omissio secundum suam essentiam & rationem formalem nullum includit actum, sed est mera carentia & privatio actus: Ergo potest ponи seu dari à parte rei ab lique omni actu.

Sed concessio Antecedenti, negatur Consequientia: plura enim requiruntur ad existentiam rei, quæ non sunt de ejus essentia, ut patet in homine, qui non potest existere à parte rei sine quantitate, & existentia, quamvis neutra ad ejus essentiam & quidditatem pertineat: unde quamvis omissione in sua essentia & ratione specifica nullum includat actum, sed sit mera carentia actus; in individuo tamen & in exercitio non potest ponи, nisi detur aliquis actus, qui sit causa vel occasio omittendi. Sicut licet corruptio ex suo conceptu formaliter non dicat actionem positivam, sed destrutionem, tamen non potest exerceri in re sine actione positivâ; quia omnis corruptio est annexa alicui generationi, & introductioni formæ, quæ sit per actionem positivam.

**105.** Objicies quartio: Instante præcepto dilectionis Dei v. g. & advertentiâ obligationis, potest voluntas omnem actum suspendere, quo vel adimpleat præceptum vel impletionem impedit: Ergo dabis est omissione peccaminofa & culpabilis absque ullo actu voluntatis, qui sit causa vel occasio illius. Consequientia patet: nam qui non adimpleat præceptum, cum potest, & tenetur adimplere, peccat peccato omissionis. Antecedens etiam ex libertate voluntatis manifestum videtur: Nam voluntas, stante præcepto & advertentiâ obligationis, manet quoad exercitum libera respectu cuiuscumque actus, atque adeò potest illum suspendere: Ergo potest non elicere actum quo præceptum adimplat, vel adimpletionem impedit.

**106.** Respondeo negando Antecedens: stante enim advertentiâ intellectu, & Deo non denegante suum concursum, non potest voluntas omnem actum collectivè suspendere, & libertatem suam per puram suspensionem actus exercere; neque ad exercitij libertatem id requiritur, sed solum quod posse suspendere quemcumque actum, & quamcumque voluntionem aut nolitionem dividivè: sicut materia prima potest quamcumque formam exuere dividivè, non tamen collectivè, & continuum in omnem partem sigillatum &

*Tom. III.*

A divisiè, non tamen simul & collectivè secari. Ratio est primò, quia repugnat voluntatem velle omnem operationem suspendere, & ab ea cessare, nisi habeat actum voluntatis, quo talem suspensionem velit, ut docet Caïetanus 1. p. qu. 64. art. 2: ubi ait, quod voluntas neque seipsum, neque alias potentias potest suspendere, nisi mediante actu, quo directè vel indirectè talem suspensionem velit. Secundò, quia si voluntas cessaret ab omni actu, mancet velut mortua in actu secundo, subindeque careret omni libertate in actu secundo, cum libertas, ut supra dicebamus, sit modus quidam seu species vitalitatis: unde tam repugnat dari exercitum merè negativum libertatis, seu omnis actus suspensivum, quam dari exercitum pure negativum vitalitatis, seu omnis motus & actionis vitalis suspensivum. Potest ergo voluntas, ratione libertatis exercitij quâ pollet, velle & non velle quocumque objectum in particulari, & hunc vel illum actum, vel hoc aut illud objectum amplecti, aut relinquere, aut ad aliud divertere; ad aliquem tamen actum vagè & disjunctivè necessitat: sicut in opinione multorum, voluntas divina licet indifferens sit ad velle mundi productionem, & velle negationem illius, ad aliquid tamen istorum voluntudinum necessitata est; & sicut in sententia Adversariorum, esti voluntas necessitata non sit ad velle impletionem præcepti, aut velle negationem, aut ad puram omissionem determinat: ad aliquid tamen istorum vagè & confusè necessitata est.

Objicies quinto: Si instante obligatione aliquis præcepti affirmativi, v. g. dilectionis Dei, Deus denegaret voluntati præmotionem physicam, aut concursum simultaneum ad omnem actum positivum, cum huic præcepti adimpletione incompossibilem, voluntas posset tale præceptum non implere, cum ad ejus impletionem prædeterminata non esset, ut supponimus, nec preventa auxilio efficaci, sed tantum sufficienti, & tamen tunc nullum actum cum hujusmodi præcepti adimpletione incompossibilem eliceret: cum repugnet voluntatem sine concursu Dei prævio & simultaneo operari: Ergo metaphysicè loquendo, & de potentia absoluta, non repugnat dari omissionem culpabilem, absque omni actu physico eam antecedente vel concomitante.

Respondeo quod licet in tali casu voluntas posset non diligere Deum, seu non posse actum qui præcipitur, non posset tamen peccare peccato omissionis; quia cum exercitum libertatis debeat ab actu positivo incipere, & in casu positivo nullus actus positivus in voluntate existet; negotio amoris non esset in actu secundo libera & voluntaria, sed solum in actu primo, subindeque non esset moralis & imputabilis ad culparum, sed purè naturalis & physica. Unde sicut D. Thomas 1. p. qu. 63. art. 5. ad 3. docet Angelum in primo instanti portuisse mereri, non tamen peccare, quod non solum de peccato commissionis, sed etiam omissionis intelligendum est; ita hic dicendum est, talem hominem, factam illâ suppositione, posse quidem liberè Deum amare & mereri, non tamen peccare, & liberè omittere.

Dices: Qui potest, & non facit id ad quod se teneri cognoscit, non excusatcula culpa, juxta illud Jacobi 4. Scienti bonum & non facienti,

*Ccc. ij*

## DISPUTATIO TERTIA

*peccatum est illi:* Sed talis homo posset actum amoris elicere, quia, ut supponimus, esset instruens auxilio sufficienti; & ad id se teneri cognosceret, cum etiam supponamus illum ad hujus præcepti obligationem advertere: Ergo non excusaretur à culpa, sed omissione hujus præcepti esset tunc peccaminosa & culpabilis.

Respondeo distinguendo Majorem: Qui potest & non facit negatione libera & voluntaria in actu secundo, concedo: negatione non libera & non voluntaria in actu secundo, nego: in easu autem postio negatio illa dilectionis Dei non esset libera, nec voluntaria in actu secundo, sed tantum in actu primo, defectu actu positivi, à quo exercitium libertatis inciperet; potestas enim ad impedientiam omissionem, tantum illam constituit liberam in potentia & actu primo, non autem in exercitio & in actu secundo.

**III.** Objicies ultimò: Homo potest peccare peccato omissionis, exercendo actum, qui nec sit causa, nec occasio illius: Ergo & nullum omnino actum eliciendo. Consequentia videtur legitima: cum actus, qui nec est causa, nec occasio omissionis, non magis in eam influat, quam si nullus omnino daretur. Antecedens verò hoc exemplo suadetur: Potest alius sacerdos velle aperire breviarium, suspendendo tamen voluntatem recitandi, vel omittendi officium: si igitur ille perseveret in tali suspensione usque ad medium noctem, & non reciter officium, peccat peccato omissionis, & tamen non elicit actu qui sit causa vel occasio illius; apertio enim breviarij non potest dici causa vel occasio omissionis officij, cum potius sit dispositio & preparatio ad ejus recitationem.

**III.** Respondeo primò impossibile esse, quod sacerdos aperiendo breviarium possit suspendere voluntatem omittendi, vel recitandi officium, sine aliquo actu voluntatis, quo formaliter aut virtualiter talem suspensionem velit: nam ut supra ex Caietano dicebamus, voluntas neque seipsum, neque alias potentias potest suspendere, nisi mediante actu quo directè vel indirectè talem suspensionem velit.

**III.** Respondeo secundò, quod licet apertio illa breviarij non sit per se & ex natura sua, causa, vel occasio omissionis officij, per accidens tamen, & ratione circumstantiarum, potest esse causa illius, ex suppositione scilicet quod persevereret usque ad tempus, in quo urget præceptum recitationis officij, vel in quo amplius tale præceptum adimpleri nequeat, ut in casu proposito contingit.

## ARTICVLVS III.

*An omnis actus conjunctus cum omissione, & cum obseruantia præcepti affirmativi incompossibilis, sit in se malus, & habeat aliam malitiam à malitia omissionis?*

**P**ro resolutione hujus difficultatis notandum est, actus incompossibilis cum adimplitione præcepti, posse dupliciter conjungi cum omissione, scilicet ut causas, vel occasiones ipsius, sicut contingit cum quis propter ludum aut studium non audit sacram; & concomitantem tantum, ut si quis statuat non audire sacram,

A vel propter pluviam, vel propter laborem itineris, & deinde ne maneat otiosus, dum tempus adimplendi præceptum instat, det operam ludo vel studio. Hoc præmisso, sit

## S. I.

*Statuitur prima conclusio.*

**D**ico primò, actum qui est causa vel occasio omittendi, esti ex sua specie & objecto sit bonus, vitiatur ex omissione, & esse peccatum: actum verò qui nullatenus in omissionem influit, sed ad illam merè per accidens & concomitantem se habet, nisi alià malus sit, peccatum non esse, nec ex omissione, cui per accidens conjungitur, vitiatur.

Hac conclusio communis est apud Theologos, & adeò certa, ut solā explicatione indigat. Sit ergo casus, quod aliquis propter desiderium & aviditatem studiū omittat missam, dicimus quod studium illud est malum; quia quamvis de se bonum, vitiatur dum est ratio volendi aliquid malum, nimis missae omissionem: sicut eleemosyna, quamvis de se bona & honesta, vitiatur dum movet hominem ad furtum; & universaliter bona intentio ex prava electione vitiatur, ut in tractatu de moralitate actuum humanorum ostendimus. Si verò postquam homo ob pugniam, vel laborem itineris, aut cōsimilem causam, decretiv non interesse sacerdoti, tunc tempore quo urget præceptum audiendi missam, studeat, vel in aliquo honesto opere se exerceat, dicimus quod opus illud non vitiatur: quia suppositū alia voluntate omittendi missam, materialiter & per accidens se habet ad ejus omissionem, & nullo modo in eam influit; alia si omnis actus concomitanis omissionem, ex illa vitiaretur, sequeretur illum, qui statuit non audire sacram, debere tunc omnem alium actu quantumvis ex se honestum suspendere, & manere otiosum; quandoquidem si aliquem exerceret, in ipso peccaret.

**D**ices: D. Thomas qu. 2. de malo art. 1. ad 7. n<sup>o</sup> 4 ait: *Hoc ipsum quod est laudare Deum ore, potest male fieri, si hoc fiat quando non debet, quando scilicet homo alia facere tenetur.* Ergo ex D. Thoma omne opus de se cum adimplitione præcepti incompossibile, exercitum tempore quo debet præceptum adimpleri, ex malitia omissionis vitiatur.

Confirmatur ratione D. Thomæ: Omne tale opus fit tempore indebito: Ergo vitiatur ex circumstantia temporis. Consequentia patet, Antecedens probatur. Tale opus fit tempore quo homo tenebatur facere aliud: Ergo fit tempore indebito.

E Respondeo D. Thomam intelligendum esse de opere laudandi Deum de facto impidente observantiam præcepti affirmativi, & in omissionem influente; non verò de opere quod licet ex se sit incompossibile cum observantia præcepti, de facto tamen eam non impedit, nec ullo modo in ejus omissionem influit.

Ad confirmationem distinguo Antecedens: fit tempore indebito, negative & materialiter, concedo Antecedens: contrariè aut privativè & formaliter, nego Antecedens, & Consequentiā. Nam licet studium v. g. tunc non debatur, in quo consistit esse negativè indebitum, & exerceatur tempore quo instat præceptum audiendi missam, ac proinde tempore indebito